



Kela[®]

Studeanttat ja vearyogeatnegasat

Oanehaččat ja čielgasit | 2023

Sisdoallu

Studeantta ja vearjogeatnegasa doarjagat	3
Oahpporuhta	12
Ássandoarjja ja ássanlassi	16
Oahppoloatna	18
Mo boadut váikkuhit oahppodoarjagii?	21
Doarjja skuvlamátkkiide ja mállásiidda	24
Allaskuvlastudeantta dearvvasvuodadikšunmáksu	28
Rávesolbmuidskuvlendoarjja	29
Vearjogeatnegasa doarjagat	30
Ohcan ja máksin	33
Ná Kela bálvala	35

Studeantta ja vearjogeatnegasa doarjagat

Dán brošyras mitaluvvo,
mo Kela doarju studeanttaid ja olbmuid,
geat leat leamašan soahteveagas dahje siviilabálvalusas.

Brošyra loahpas leat dieđut das,
mo doarjagat ohccojuvvojit.

Brošyra mitala lohkanjagi 2023–2024 dilis.
Mielde eai leat buot doarjagiid detáljat.



Lassidiehtu nehtas ja telefovnnas

Kela doarjagiid birra mitaluvvo
davvisámegillii čujuhusas
www.kela.fi/davvisamegiella

Studeantta ja vearjogeatnegasa doarjagiid birra
mitaluvvo dárkileappot Kela suomagielat siidduin
www.kela.fi/opiskelijat
www.kela.fi/asevelliset



Juos dus leat jearaldagat,
sáhtát riņget bálvalannummirii
020 692 209

Kela doarjagat studentii

Kela sáhttá miedihit studentii oahppodoarjaga.

Oahppodoarjagii gullet

- oahpporuhta
- oahpporuða fuolaheaddjibajádus
- oahpporuða oahppomateriálalassi
- oahppoloana stáhtadáhkádus
- ássanlassi.

Oahppodoarjaga ássanlassi sáhttá oažžut dušše, juos stuðere ovdamearkka dihte álbmotallaskuvllas dahje olgoriikkain.

Suomas ássi stuðeanta sáhttá dábálaččat oažžut almmolaš ássandoarjaga.

Eará Kela doarjagat studentii leat ovdamearkka dihte

- skuvlamátkedoarjja
- oahppoloatnageahpádus
- málesdoarjja.



Gii oažžu oahppodoarjaga?

Sáhtát ohcat oahppodoarjaga, go álggahat stuđerema vuodđoskuvlla maŋŋá.

Sáhtát oažžut oahppodoarjaga, juos stuđeret

- logahagas
- ámmátlaš oahppolágádusas
- allaskuvllas
- álbmotallaskuvllas.

Sáhtát oažžut oahppodoarjaga maiddái vuodđoskuvlii, juos čađahat dutkanskuvejupmái válbmaneaddji skuvlema dahje rávesolbmuid vuodđooahpahusa.

Rávesolbmuidlogahaga stuđeanttain doarjaga sáhttet oažžut dušše sii, geain leat vuoigatvuohta nuvtá skuvlejupmái, dahje geat čađahit ovtastuvvon dutkosa. Ovtastuvvon dutkkus oaivvilda dan, ahte čađahat seammaáigásaččat ámmátlaš vuodđodutkosa ja logahaga.

Du iežat boadut ja muhtumin maiddái du vanhemiid boadut sáhttet váikkuhit dasa, oaččutgo don oahppodoarjaga.

Juos boadát olgoriikkain Supmii stuđeret, it dábálaččat sáhte oažžut oahppodoarjaga.

Juos stuđeret olgoriikkain, sáhtát oažžut oahppodoarjaga Suomas. Dus galget goittotge leat bissovaš oktavuodát Supmii ovdamearkka dihte ássama dahje bearašgaskavuodaid bokte.



Geas lea vuoigatvuohta nuvtá skuvlejupmái?

Dus lea vuoigatvuohta nuvtá skuvlejupmái, juos deavddát čuovvovaš eavttuid:

- Leat geargan vuodđoskuvllas jagi 2021 dahje dan maŋŋá.
- Leat riegádan jagi 2004 dahje dan maŋŋá.

Buot skuvlejumit eai leat nuvtá, vaikko don deavddášitge eavttuid. Dárkkis iežat oahppolágádusas, leago skuvlejupmi nuvtá.

Gii ii oaččo oahppodoarjaga?

It sáhte oažžut oahppodoarjaga, juos oaččut ovdamearkka dihte čuovvovaš doarjagiid:

- bargguhisvuodabeaiveruđa dahje bargomárkandoarjaga
- buohcanbeaiveruđa
- veajuiduhttinruđa oahpuid várás
- ealáhaga (ii guoskka bearašealáhaga)
- vurohallanluopmobuhtadusa
- oahppodoarjaga olgoriikkain
- rávesolbmuidskuvlendoarjaga.

Juos oaččut rávesolbmuidskuvlendoarjaga, sáhtát goittotge oažžut oahppoloana stáhtadáhkádusa.

It oaččo oahppodoarjaga dallege, juos

- leat bargofápmoskuvlemis
- leat oahpposoahpamušskuvlemis
- leat vearjo- dahje siviilabálvalusas.

Buohccán

Juos buohccát stuđerema áigge, sáhtát báhcit buohcuvuođalupmui ja ohcat Kelas buohcuvuođabeaiveruđa.

Juos dutnje mieđihuvvo buohcuvuođabeaiveruhta, Kela heaittiha oahppodoarjaga automáhtalaččat.

Vearjo- ja siviilabálvalus

It sáhte oažžut oahppodoarjaga vearjo- dahje siviilabálvalusa áigge.

Juos oaččut oahppodoarjaga ja manat vearjo- dahje siviilabálvalussii, almmut das Kelai. Kela heaittiha oahppodoarjaga. Sáhtát ohcat doarjaga ođđasit, go joatkkát oahpuid.

Oahppodoarjja logahatstudentii ja ámmátstudentii

Kela sáhtá juolludit oahppodoarjaga logahatoahpuide ja ámmátlaš skuvlejupmái. Rávesolbmuidlogahagas sáhtát oažžut doarjaga dušše dalle, juos dus lea vuoigatvuohta nuvtá skuvlejupmái dahje čadahas ovtastuvvon dutkosa.

Sáhtát oažžut doarjaga maiddá eará oahpuide, ovdamearka dihte

- oahpuide álbmotallaskuvllas dahje valášhtallanskuvlenguovddášis
- válbmaneaddji skuvlemii, ovdamearka dihte TUVA-skuvlemii
- rávesolbmuid vuodđooahpahussii.

Oaččut oahppodoarjaga mearreáigái.

Logahatoahpuide doarjja juolluduvvo álggos goalmmát oahppojagi lohppii. Ámmátlaš oahpuin doarjja juolluduvvo oahpuid viidodaga vástideaddji áigái.

Juos du oahput joatkašuvvet dan maŋŋá, galggat ohcat doarjaga lasseáigái sierra. Juos gearrgat oahpuiguin ovdalgo leat plánen dahje gaskkalduhtát oahpuidat, de muitte almmuhit áššis Kelai.

Oahppodoarjja allaskuvlastudentii

Sáhtát oažžut oahppodoarjaga, go leat čadaheamen

- allaskuvladutkosa universitehtas dahje ámmátallaskuvllas
- ámmátallaskuvlaoahpuide válbmejeaddji, sisafárrejeaddjiide dárkkuhuvvon skuvlejumi
- sierra árvosáni dahje oahppoollisvuođa allaskuvladutkosa maŋŋá.

Oahpuid viidodat váikkuha dasa,
man guhká sáhtát oažžut oahppodoarjaga.
Ovttá lohkanjagi áigge
oahppodoarjja máksojuvvo dábálaččat 9 mánotbajis.

Vai don oaččut oahppodoarjaga, oahput galget ovdánit.
Kela čuovvu oahpuid ovdáneami.

Man olu oahppodoarjaga oažžu?

Juos stuđeanttas eai leat mánát,
son sáhttá oažžut oahpporuđa ja oahppoloana
eanemustá sulaid 930 euro mánotbajis.
Dán supmis sulaid 280 euro lea oahpporuhta
ja 650 euro lea oahppoloatna.
Juos stuđeanttas leat mánát,
son sáhttá oažžut oahpporuhtii mánnábajádusa.

Lassin stuđeanta sáhttá oažžut almmolaš ássandoarjaga.

Sáhtát ieš árvoštallat Kela siidduin rehkenastiin,
man olu oaččut stuđeantta doarjagiid.

www.kela.fi/laskurit

Oaččut dárkilut dieđuid oahpporuđas, ássama doarjagiin
ja oahppoloanas dán brošyra čuovvovaš siidduin.



Oahpporuhta

17 jagi deavdán stuđeanta sáhtta oažžut oahpporuđa.

Oahpporuđa mearrái váikkuha dat

- man ahkásaš don leat
- mo ásat
- leatgo náitalan
- leatgo dus mánát.

Unnimus oahpporuđat leat 8–43 euro mánotbajis.

Unna oahpporuđa sáhtta oažžut 17–19-jahkásaš stuđeanta, gii ássá vanhemiiddisguin.

Stuorámus vejolaš oahpporuhta dakkár studentii, geas eai leat mánát, lea sulaid 279 euro mánotbajis.

Vuolles 17-jahkásaš sáhtta oažžut

- oahpporuđa, juos mánáidruhta lea heaittihuvvon
- oahpporuđa oahppomateriálalasi, juos oahpput eai leat nuvtta.

Oahpporuđas manná vearru.

It goittotge dárbbáš máksit vearu oahpporuđastat, juos dus eai leat eará boadut.

Oahpporuđa fuolaheaddjibajádus

Juos leat vuolles 18-jahkásaš maná fuolaheaddji, oahpporuhtii lasihuvvo fuolaheaddjibajádus.

Dat lea čakčalohkanbajis 2023 sullii 122 euro mánotbajis ja gidđalohkanbajis 2024 sullii 112 euro mánotbajis.

Kela mieđiha dan automáhtalaččat.

Oahpporuđa oahppomateriálalassi

Sáhtat oažžut oahppomateriálalasi, juos buot čuovvovaš eavttut ollašuvvet:

- Dus eai leat mánát itge leat náitalan.
- Du vanhemiid boadut leat oktiibuot eanemustá 41 100 euro jagis.
- Ásat vanhemiid luhtte ja leat vuolles 20-jahkásaš dahje ásat iehčanassii ja leat vuolles 18-jahkásaš.

It sáhte goittotge oažžut oahppomateriálalasi, juos dus lea vuoigatvuohta nuvtta skuvlejupmái.



Geas lea vuoigatvuohta nuvtta skuvlejupmái?

Dus lea vuoigatvuohta nuvtta skuvlejupmái, juos deavddát čuovvovaš eavttuid:

- Leat geargan vuoddoskuvllas jagi 2021 dahje dan manjá.
- Leat rieđadan jagi 2004 dahje dan manjá.

Buot skuvlejumit eai leat nuvtta, vaikko don deavddášitge eavttuid.

Dárkkis iežat oahppolágádusas, leago skuvlejupmi nuvtta.

Oahppomateriálalasi sáhttet oažžut maddái 15- ja 16-jahkásaččat, vaikko sii eai sáhte oažžut eará oahpporuđa.

Oahppomateriálalassi lea sulaid 52 euro mánotbajis.

Juos oaččut juo oahppodoarjaga, Kela miediha dutnje oahppomateriálalasi automáhtalaččat. Don it nappo dárbbas ohcat dan sierra.

Juos it vel oaččo ollenge oahpporuđa, muhto sáhtát oažžut oahppomateriálalasi, oza oahppodoarjaga oahppodoarjjaohcamušain.

Vánhemiid boadut

Du vánhemiid boadut sáhttet váikkuhit dasa, oaččutgo don oahppodoarjaga ja man olu oaččut dan. Sadjásašvánhemiid dahje ovdamearkka dihte ádjá dahje áhku boadut eai váikkut oahppodoarjagii.

Juos du vánhemat leaba earránan, Kela váldá vuhtii dan vanhema boaduid, gean luhtte ásat dahje gean luhtte leat maŋemužžan ássan.

Allaskuvlastudeanttat

Juos stuđeret allaskuvllas, du vanhemiid boadut eai sáhte geahpedit oahpporuđa meari dahje eastadit dan. Juos du vanhemiin leat dušše unnán boadut, dat sáhttá váikkuhit nu, ahte oaččot eanet oahpporuđa.

Logahaga, ámmáskuvlla dahje álbmotallaskuvlla stuđeanttat

Juos stuđeret logahagas, ámmáskuvllas dahje álbmotallaskuvllas, du vanhemiid boadut sáhttet váikkuhit du oahppodoarjagii, juos juobbágoabbá guoská du:

- Leat vuollel 18-jahkásaš.
- Ásat ásat vanhema luhtte.

Vánhemiid boadut sáhttet geahpedit du oahppodoarjaga meari, bajidit dan dahje eastadit dan ollásit.

Juos ásat iehčanassii nappo eará báikkis go vanhemiiguin, vanhemiid boadut eai geahpet oahppodoarjaga, baicce sáhttet dušše bajidit dan. Vánhemiid boadut váikkuhit goittotge dasa, oaččutgo oahppomateriálalasi ja oahppoloana stáhtadáhkádusa.

Du vanhemiid boadut eai váikkut oahppodoarjagii, juos muhtun čuovvovaččain guoská du:

- Leat deavdán 18 jagi ja ásat iehčanassii.
- Leat náitalan.
- Leat vuolleahkásaš máná fuolaheaddji.

Ássandoarjja ja ássanlassi

Kela doarju stuđeanttaid ássama almmolaš ássandoarjagiin ja oahpporuđa ássanlassiin.

Almmolaš ássandoarjja

Suomas ássi stuđeanta sáhtta oazžut almmolaš ássandoarjaga.

Almmolaš ássandoarjja ii ohccojuvvo oahppodoarjjaohcamušain, baicce dan várás lea sierra ohcamuš.

Borramušgácci lahtut ohcet ássandoarjaga ovttas.

Borramušgázzi dárkkuha olbmuid, geat ássat seamma visttis bissovaččat. Dábálaččat borramušgázzi lea náittospárra, rabaslihttopárra dahje bearaš. Maiddái okta olmmoš sáhtta leat borramušgázzi.

Borramušgázzái gullevaš olbmuid boadut váikkuhit ássandoarjaga mearrái. Boadut váikkuhit eará láhkái go oahppodoarjagis.

Gávnnat lasi dieđu ássandoarjagis Almmolaš ássandoarjja -brošyras ja Kela neahttasiiduin:

www.kela.fi/assan

Sáhttat árvvoštallat Kela neahttasiiduin rehkenastiin, man olu oaččut almmolaš ássandoarjaga.

www.kela.fi/laskurit

Oahppodoarjaga ássanlassi

Oahppodoarjaga ássanlassi sáhttet oazžut stuđerejeaddjit, geat stuđerejit olgoriikkain dahje Álánddas. Sin ássanlassi lea 210 euro mánotbajis.

Ássanlassi sáhttet oazžut maiddái stuđeanttat, geat stuđerejit álbmotallaskuvllas dahje valáštallanskuvlenguovddážiis Suomas ja geaid oahput mákset ja geat ássat oahppolágádusa ásodagas. Sin ássanlassi lea sulaid 89 euro mánotbajis.

Sáhttat oazžut ássanlassi ja eará oahppodoarjaga dušše stuđerenmánotbajiid áigge.

Ássanlassi oazžumis ii leat ahkerádji. Vánhemiid boadut eai váikkuhit ássanlassái.



Oahppoloatna

Sáhtát ruhtadit iežat oahpuid maddái nu, ahte válddát bânkkus oahppoloana. Mávssát loana ruovttoluotta, go oahput nohket.

Sáhtát oažžut oahppoloana stáhtadáhkádusa, juos oaččut oahpporuđa dahje rávesolbmuidskuvlendoarjaga. Stáhtadáhkádus oaivvilda dan, ahte Kela máksá loana ruovttoluotta bânkkui, juos it ieš bastte máksit dan. Kela goittotge bearrá maŋŋá loana ruovttoluotta.

Oza oahppoloana stáhtadáhkádusa Kelas. Sáhtát ohcat dan seammas, go ozat oahppodoarjaga.

Go Kela lea miedihhan dutnje oahppoloana stáhtadáhkádusa, sáhtát ieš válljet, man bânkkus ozat oahppoloana. Don galggat ieš ráđđádallat loanas ja dan eavttuin, dego reanttus ja ruovttoluottamáksimis.

Oahppoloana stáhtadáhkádusa sáhtá oažžut maddái vanhemiid luhtte ássi 18–19-jahkásaš, vaikko son ii oaččo oahpporuđa. Maddái iehčanassii ássi vuollel 17-jahkásaš sáhtá oažžut oahppoloana stáhtadáhkádusa, juos su vanhemiid boadut leat unnit.

Vuollel 18-jahkásaš oažžu loana 300 euro mánotbajis. Vuollel 18-jahkásaš dárbbáša vanhemiid miediheami oahppoloana loktemii. 18-jahkásaš ja dađe boarrásut oažžu oahppoloana 650 euro mánotbajis.

Olgoriikkain studerejeaddji oažžu oahppoloana 800 euro mánotbajis.

Mearridat ieš, loktetgo loana ja man ollu loana loktet hávális.

Oahppoloana reanttut lasihuvvojit loatnasubmái dan áigge, go oaččut oahppodoarjaga. Go it šat oaččo oahppodoarjaga, oaččut bânkkus rehkega, vai sáhtát ieš máksit reanttuid ja loana.

Oahppoloatnabuhtadus

Kela sáhtá máksit oasi du oahppoloanas, juos čađahat allaskuvladutkosa mearreáiggis. Dat gohččoduvvo oahppoloatnabuhtadussan.

Oahppoloatnabuhtadus lea 40 proseantta dan oahppoloana mearis, mii manná badjel 2 500 euro. Oahppoloatnabuhtadusas lea eanemusmearri. Eanemusmearri lea gitta das, man viiddis dutkosa leat čađahan.

Sáhtát oažžut oahppoloatnabuhtadusa, juos buot čuovvovaš eavttut ollašuvvet:

- Leat álggahan vuosttas allaskuvlaoahpuidat 1.8.2014 dahje dan maŋŋá.
- Čađahat dutkosa mearreáiggis.
- Dus lea oahppoloatna badjel 2 500 euro.

Juos it čađat dutkosa mearreáiggis, sáhtát dattetge oažžut oahppoloatnabuhtadusa, juos oahput leat hiđásmuvvan dohkálaš siva dihtii.

Dohkálaš sivva lea ovdamearkka dihte buohccán, muhto dušše dalle juos leat ožžon buohcuvuodabeaiveruđa. Dohkálaš sivva lea maddái máná oažžun, muhto dušše dalle juos lea ožžon vanhemiidbeaiveruđa.

Dábálaččat oahppoloatnabuhtadusa ii dárbbas ohcat. Kela sádde das dutnje mearrádusa, go leat geargan allaskuvllas.

Oahppoloatnabuhtadusa galgá goittotge ohcat, juos háliidat oažžut dan universitehtas čadahuvvon vuollil allaskuvladutkosa maŋŋá.

Juos leat čadahan allaskuvladutkosa olgoriikkain, almmut das Kelai.

Reantodoarjja

Juos leat geargan oahpuiguin ja dus leat unna boadut ja oahppoloatna, sáhtát ohcat Kelas reantodoarjaga. Dalle Kela máksá du oahppoloana reanttuid. Don it dárbbas máksit daid ruovttoluotta Kelai.

Mo boadut váikkuhit oahppodoarjagii?

Dus sáhttet leat boadut seamma áigge, go loktet oahppodoarjaga. Ovtta jagi áigge dus ožžot leat boadut jahkeboahtorájá rádjai. Jahkeboahtorádjá mearrašuvvá dan mielde, galle mánotbaji nammii leat lokten doarjaga.

Jahkeboahtorájit jagiin 2023 ja 2024

Sáhtát oažžut boaduid goas nu kaleanddarjagi áigge.

Doarjjamánotbajit kaleanddarjagi áigge	Jahkeboahtorádjá, euro/kaleanddarjahki
1	35 360
2	33 280
3	31 200
4	29 120
5	27 040
6	24 960
7	22 880
8	20 800
9	18 720
10	16 640
11	14 560
12	12 480

Oahppodoarjja ja ássandoarjja eai rehkenastojuvvo bohtun. Dárkkis jagiid 2023 ja 2024 boahtorájaid (suomagillii):

www.kela.fi/opintotuki-omat-tulot

Juos álggahat oahpuid dahje gearrgat skuvllas gaskan jagi, sáhtát oažžut boađuid friddja ovdal oahpuid álggu ja daid nohkama maŋná.

Čuovo goittotge boahtorájáid oahppománobajiid áigge. Fuolat das, ahte du boađut stuđerenáiggis leat eanemustá 1 040 euro mánobajis doarjjamánobaji nammii ja 3 120 euro mánobajis dakkár mánobaji nammii, goas it leat ožžon oahppodoarjaga.

Kela sáhttá bivdit du čilget, goas leat ožžon boađuid.

Juos gaskkalduhtát oahpuid gaskan jagi, de boađut váldojuvvojit vuhtii oppa jagis.

Juos boađut mannet jahkeboahtorájá badjel

Galggat ieš fuolahit das, ahte boađut eai mana badjel jahkeboahtorájá. Juos boađut mannet badjel jahkeboahtorájá, de Kela bearrá ruovttoluotta liiggás máksojuvvon oahppodoarjaga. Berrojuvvon submái lasihuvvo 7,5 proseantta bajádus.

Juos fuomášat, ahte du boađut mannet badjel boahtorájá, de sáhtát bargat čuovvovaččat:

- Oza oahppodoarjaga dušše dihto oahppománobajiide.
- Almmut Kelai, ahte it váldde oahppodoarjaga dihto mánobajiin.
- Máhcat Kelai oahppodoarjaga iežat válljen mánobajiin.

Máhcat badjelmearálaš oahppodoarjagiid čuovvovaš jagi cuoŋománu loahpa rádjái.



Doarjja skuvlamátkkiide ja mállásiidda

Skuvlamátkedoarjja

Skuvlamátkedoarjagis leat sierra eavttut stuđeanttaide, geain lea vuoigatvuohta nuvttá skuvlejupmái, ja eará stuđeanttaide.

Skuvlamátkedoarjja stuđentii, geas lea vuoigatvuohta nuvttá skuvlejupmái

Sáhtát oažžut doarjaga skuvlamátkkiide, juos čađahat ovdamearkka dihte

- logahatoahpuid dahke rávesolbmuid logahatoahpuid
- ámmátlaš vuodđodutkosa
- ámmátduktosa
- válbmejeaddji skuvlema, ovdamearkka dihte TUVA-skuvlema
- oahppogeatnegasaide dárkkuhuvvon friddja čuvgehusbarggu skuvlema.

Sáhtát oažžut doarjaga, juos du skuvlamátki ovttá guvlui lea unnimustá 7 kilomehtera.

Juos dus leat unnimustá 15 mátkebeavvi kaleanddarmánobajis, sáhtát oažžut dievas skuvlamátkedoarjaga. Juos dus leat 10–14 mátkebeavvi kaleanddarmánobajis, sáhtát oažžut skuvlamátkedoarjaga, muhto doarjaga mearri lea bealli dievasmearálaš doarjagis.

Juos geavahat iežat skuvlamátkkiin almmolaš johtolaga dahje skuvlasáhtu, it dábálaččat mávsse mátkkiin maidege.

Skuvlamátkedoarjja stuđentii, geas ii lea vuoigatvuohta nuvttá skuvlejupmái

Sáhtát oažžut doarjaga, juos čađahat ovdamearkka dihte

- logahatoahpuid
- ámmátlaš vuodđodutkosa
- válbmaneaddji skuvlema,
- ovdamearkka dihte TUVA-skuvlema.

Sáhtát oažžut doarjaga, juos du skuvlamátki ovttá guvlui lea unnimustá 10 kilomehtera.

Juos dus leat unnimustá 15 mátkebeavvi kaleanddarmánobajis, sáhtát oažžut dievas skuvlamátkedoarjaga. Juos dus leat 10–14 mátkebeavvi kaleanddarmánobajis, sáhtát oažžut skuvlamátkedoarjaga, muhto doarjaga mearri lea bealli dievasmearálaš doarjagis.



Geas lea vuoigatvuohta nuvttá skuvlejupmái?

Dus lea vuoigatvuohta nuvttá skuvlejupmái, juos deavddát čuovvovaš eavttuid:

- Leat geargan vuodđoskuvllas jagi 2021 dahje dan maŋŋá.
- Leat riegádan jagi 2004 dahje dan maŋŋá.

Vai don sáhtášit oažžut dievasmearálaš doarjaga, eaktun lea mátkbeivviid lassin dat, ahte mátkkit mákset badjel 54 euro mánotbajis. Dalle mávssat dábálaččat mátkkiin ieš 43 euro mánotbajis.

Vai don sáhtášit oažžut beali dievasmearálaš doarjagis, eaktun lea mátkbeivviid lassin dat, ahte mátkkit mákset badjel 27 euro mánotbajis. Dalle mávssat dábálaččat mátkkiin ieš 21,50 euro mánotbajis.

Sáhtát oažžut skuvlamátkedoarjaga, vaikke du mátkkit mákset uhcit, juos geavahat man nu čuovvovaččain

- Waltti-johtolat, mii doaibmá mángga gávpogis
- Helssega guovllu johtolat HSL
- Tampere guovllu johtolat Nysse
- Turku guovllu johtolat Föli
- skuvlasáhttu
- sáhttu, man leat ieš ordnen.

Oaččut lassidieđuid Waltti-johtolagas čujuhusas

waltti.fi

Skuvlasáhttu oaivvilda dan, ahte oahppolágádus dahje gielda ordne dutnje skuvlasáhtu dahje oastá dutnje mátkebileahaid skuvlamátkkiide. Oaččut lassidieđuid skuvlasáhtus iežat oahppolágádušas.

Juos dus ii leat almmolaš johtolat dahje skuvlasáhttu geavahusas, sáhtát mátkkoštít skuvlii nu mo ieš válljet, ovdamearkka dihte iežat biillain dahje vanhema sáhtuin.

Skuvlamátkedoarjaga ohcan

Oza skuvlamátkedoarjaga OmaKelas:

www.kela.fi/neahtas

Du beales maiddái du fuolaheaddji sáhttá ohcat doarjaga OmaKelas.

Kela máksá doarjaga geavahuvvon mátkkoštanvuogi mielde njuolggá bileahhtavuovdái, oahppolágádussii dahje dutnje.

Galggat ohcat skuvlamátkedoarjaga juohke oahppoahkái sierra.

Málesdoarjja

Allaskuvlastudeanta sáhttá oažžut vuoládusa mállásiin restoránjain, mat leat searvan málesdoarjagii.

Mávssat mállásis unnit supmi, go čájehat stuđeantakoartta dahje Kela málesdoarjjakoartta.

Restoránjat, mat leat searvan málesdoarjagii (suomagillii):

www.kela.fi/opiskelijaravintolat

Allaskuvlastudeantta dearvvasvuodadikšunmáksu

Ámmátallaskuvllaid ja universitehtaid studeanttat galget máksit Kela dearvvasvuodadikšunmávssu, juos sii čadahit dutkosa. Máksu lea sulaid 37 euro lohkanbajis.

Dearvvasvuodadikšunmávssuin ruhtadit Studeanttaid dearvvasvuodafoandda (Ylioppilaiden terveydenhoitosäätiö nappo YTHS) doaimmaid. Allaskuvllaid ja universitehtaid studeanttat ožžot YTHS:s dearvvasvuodadikšuma.

Kela ii sádde mávssus rehkega. Galggat ieš muitit máksit dan.

Máksu galgá máksojuvvot 2 geardde jagis. Mávsse gidđalohkanbaji mávssu maŋemustá 31.1. ja čakčalohkanbaji mávssu maŋemustá 30.9. Sáhtát máksit mávssu nehtas:

www.kela.fi/neahtas

Rávesolbmuidskuvlendoarjja

Juos leat leamašan bargoeallimis unnimustá 8 jagi, sáhtát oažžut rávesolbmuidskuvlendoarjaga. Dan ii mieđit Kela, baicce Barggolašvuodafoanda (Työllisyysrahasto). Gávnnat lassidieđuid čujuhusas (suomagillii)

www.tyollisyysrahasto.fi

Juos oaččut rávesolbmuidskuvlendoarjaga unnimustá 8 vahku áigi, Kela sáhttá mieđihit dutne oahppoloana stáhtadáhkádusa. Dáhkádus lea 650 euro mánotbajis. Jos čadahat allaskuvladutkosa ja dagat dan mearreáigges, Kela sáhttá máksit oasi du oahppoloanas. Loga lasi čuoggás Oahppoloatnabuhtadus (s. 19-20).



Vearjogeatnegasa doarjagat

Vearjogeatnegasvuoda čadaheapmi oaivvilda dan, ahte olmmoš manná soahtevahkii dahje siviilabálvalussii.

Vearjogeatnegasa dahje siviilabálvalusa čadaheaddji oažžu iežas bálvalanbáikkis unna beaiveruđa.

Dan lassin Kela sáhtta máksit soalddátdoarjaga.

Dat sáhtta máksojuvvot olbmui,

gii lea soahtevagas dahje siviilabálvalusas, dahje su oapmahaččaide.

Oapmahaš oaivvilda veartogeatnegasa náittosguoimmi.

Oapmahaš lea maiddá rabasguoibmi,

geainna veartogeatnegasas lea oktasaš mánná.

Kela sáhtta máksit soalddátdoarjaga maiddá dakkár olbmui, gii bohta olgoriikkain Supmii bálvalussii.

Soalddátdoarjagii gullet

- vuoddoarjja
- ássandoarjja
- ealihandoarjja
- sierrandoarjja.

Lassin Kela sáhtta máksit oahppoloana reanttuid.

Soalddátveahki sáhttet oažžut

- veartogeatnegas
- náittosguoibmi
- ovttasorru, juos beallelaččain lea oktasaš mánná
- veartogeatnegasa mánná dahje náittosguoimmi mánná.

Boađuid váikkuhus soalddátdoarjagii

Boađuid váikkuhus soalddátdoarjagii

Soalddátdoarjaga mearrái váikkuhit boađut, mat veartogeatnegas dahje su oapmahačča ožžot bálvalusa áiggis.

Boađut váldojuvvojit vuhtii nettomearálažžan nappo veartuid maŋŋá.

Doarjaga mearri unnu nettoboađuid vástideaddji supmiin.

Vearjogeatnegasa bálká- ja fitnodatdoalli boađuin lea goittotge 300 euro suodjeoassi.

Suodjeoassi oaivvilda dan supmi,

man bálvalusas lean olmmoš sáhtta dinet mánotbajis ovdal go dat váikkuha soalddátdoarjaga mearrái.

Vuoddoarjja

Kela sáhtta máksit veartogeatnegasa oapmahažžii vuoddoarjaga.

Vuoddoarjja gokča beallelačča ja máná beaivválaš goluid, maida eará boađut eai reahkká.

Dat leat ovdamearkka dihte borramuššii,

biktasiidda ja dearvvasvuodafuolahussii laktáseaddji golut.

Vuoddoarjaga dievas mearri lea

sulaid 733 euro mánotbajis.

Doarjaga mearrái váikkuhit bearraša boađut ja mánnálohku.

Ássandoarjja

Kela sáhtta máksit veartogeatnegasa ja su oapmahačča govtolaš ássangoluid.

Kela sáhtá miedihit ássandoarjaga
vearjogeatnegassii dušše dalle,
juos son lea ássan iehčanassii
sulaid 3 mánotbaji áigge ovdal bálvalusa.
Ássangoluide rehkenastojuvvojit láigu, čáhcemávssut,
šleadgamávssut, vástta, visteloana reanttut
ja bearašviesu dikšungolut.

Ealihandoarjja

Juos vearjogeatnegas ii bastte máksit mánnái ealihanveahki,
Kela sáhtá máksit ealihandoarjaga
soahteveaga dahje siviilabálvalusa áigge.

Sierradoarjja ja oahppoloana reanttut

Kela sáhtá máksit vearjogeatnegasa oapmahažžii
ovdamearkka dihte dearvvasvuodadikšumii
dahje mánáiddikšumii laktáseaddji goluid.
Dat gohččoduvvo sierradoarjjan.
Kela sáhtá maiddái máksit vearjogeatnegasa
ja su oapmahačča oahppoloana reanttuid.

Eará doarjagat

Juos vearjogeatnegas oažžu máná,
son sáhtá oažžut vanhemiidbeaiveruđaid.

Juos it sáhte oažžut soalddátdoarjaga,
dus sáhtá leat vuoigatvuohta almmolaš ássandoarjagii.
Dárkkis ášši Kelas.

Ohcan ja máksin

Oza oahppodoarjaga, almmolaš ássandoarjaga
skuvlamátkedoarjaga ja soalddatdoarjaga nehtas:

www.kela.fi/neahtas

Dárkkis ohcamušas,
mat čuvvosat das galget leat mielde.
Maiddái čuvvosiid sáhtá sáddet nehtas.

Sáhtát ohcat doarjaga maiddái skoviin,
man oaččut Kela doaimmahagain ja neahttsiidduin:

www.kela.fi/skovit

Kela poastačujuhush lea

Kela

PL 10

00056 KELA

Sáhtát dikšut eanáš Kela-áššiid maiddái telefavnas.

Go Kela lea giedahallan du ohcamuša,
oaččut ruoktot mearrádusa.
Mearrádusas mitaluvvo doarjaga mearri, vuodustusat
ja máksinbeaivi.
Oaččut mearrádusa maiddái dalle,
juos dutnje ii leat miedihuvvon doarjja.

Kela máksá doarjaga du bânkokontui.
Oahppodoarjaga, almmolaš ássandoarjaga ja soalddatdoarjaga
máksinbeaivi lea mánotbaji 1. bânkobeavve.

Almmut, juos du dilli nuppástuvvá

Juos du eallin nuppástuvvá, dat sáhttá váikkuhit Kela doarjagiidda, maid don oaččut. Nuppástus sáhttá guoskat ovdamearkka dihte ássama, boađuid, bargama dahje bearraša.

Muitte almmuhit nuppástusain Kelai. Sáhtát dahkat dan nehtas, telefovnnas dahje doaimmahagas.

Dus lea ovddasvástádus iežat bealis sihkkarastit, ahte Kelas leat rivttes dieđut. Dalle doarjja máksojuvvo dutnje rivttes sturrosažžan.

Juos mearrádusas lea feaila

Juos leat dan oaivilis, ahte Kela mearrádusas lea feaila, sáhtát ohcat nuppástusa mearrádussii.

Oaččut mearrádusa mielde rávvagiid das, mo nuppástus ohcojuvvo.

Juos dus leat jearaldagat, váldde vuos oktavuoda Kelai.



Nehtas sáhtát

- ohcat doarjagiid
- sáddet čuvvosiid
- dárkkistit du ohcamuša dili
- sáddet ságaid
- almmuhit nuppástusain
- heaittihit doarjaga.

Ná Kela bálvala

Nehtas

Loga Kela doarjagiin sámegillii:
www.kela.fi/davvisamegiella

Rehkenastte doarjaga meari:
www.kela.fi/laskurit

Divššo áššiid nehtas:
www.kela.fi/neahtas

Čálit sisa neahhtabálvalusaide

OmaKelai ja áigevárremii galgá čálihit sisa. Dárbbasat bânjkodovddaldagaid dahje mobiilanannehusa.

Veahkki áššiiddikšumii

Gáiddusbálvalusas oaččot persovnnalaš rávvema ja bagadeami:
www.kela.fi/gaiddusbalvalusas

Sáhtát addit nuppi olbmui vuoigatvuoda doaimmahit áššiid du beales:
www.kela.fi/assiid-doaimmaheapmi-nuppi-beales

Doaimmahagas

Dárkkis čujuhusaid ja rabasáiggiid:
www.kela.fi/doaimmahagas

Telefovnnas

Davvisámegiela telefonbálvalus

Rabas vu–be diibmu 9–11.

020 634 2894

Sáhtát sáddet Kelai rávdnjepoastta ja bivdit, ahte dutnje váldojuvvo oktavuoha:
saame@kela.fi

Eará bálvalannummirat

Rabas vu–be diibmu 9–16.

Áigáihohtindoarjja.....020 692 207

Ássan.....020 692 210

Bargguhisvuoha.....020 692 210

Bearran.....020 634 4940

Buohcan ja koarttat.....020 692 204

Ealáhagat.....020 692 202

Riikkaidgaskasaš dilit (vu–be dmu 10–15).....020 634 0200

Studeren ja vearjo-geatnegasvuoha.....020 692 209

Váhnenvuoha.....020 692 206

Veajuiduhttin ja lápmásiidovddut.....020 692 205

Ringema ja ráiddus vuorddašeami mávssut mearrašuvvet du operáhtora hattiid mielde.

Loga lasi:
www.kela.fi/telefovnnain

Kela davvisámegillii

Davvisámegielat neahttasiiddut:

www.kela.fi/davvisamegiella

Davvisámegielat gihppagat:

Almmolaš ássandoarjja

Áigái bohtindoarjja

Bargguhisvuohtha

Buohcan ja veajuiduhttin

Ealáhagat ja eará ealáhatoažžu doarjagat

Mánnábearrašat

Olgoriikkain Supmii dahje Suomas olgoriikkaide

■ Studeanttat ja vearjogeatnegasat

Davvisámegielat gihppagiid sáhtta čálihit

Kela neahttasiidduin:

www.kela.fi/brosyrat